

Santamariaren alargunak Justizia eta komunikabideen jarrera salatu du

Donostiako Santa Maria elizan egin zuten atzo arratsean bere aldeko hileta

Herenegun Donostian hil zuten Jose Antonio Santamariaren alargunak ukatu egin du bere senarra droga trafikoari lotua zegoenik. Beatriz Lasak gainera, «iraina eta gezurra gaiztakeriaz zabaldu zuten komunikabideak» eta Justizia bera salatu ditu. Atzo arratsaldean egin zuten hiletara buruzagi sozialista ugari joan zen.

DONOSTIA

Jose Antonio Santamaria enpresari eta Real Sociedad futbol taldeko jokalaria ohia Donostiako Polloe hilerrian lurperatu zuten atzo goizean. Ondoren, Beatriz Lasa bere alarguna komunikabideen aurrean agertu zen hiru seme-alabek lagundurik. Agiri bat irakurri zuen, bere senarrak narkotrafikoarekin lotura zuenik edo droga auziren batean ikertu zutenik ukatuz.

Beatriz Lasak, bere senarrari buruz zenbait komunikabidek kaleratutako informazioa gaitzetsi zuen, eta «iraina eta gezurra gaiztakeriaz zabaldu zuten komunikabideak» salatu zituen. «Hemengo komunikabide hori salatzen dut, hiltzaileen babesle, gordeleku eta islada dena, eta ekintza iraingarri horien bozemaile bihurtu dena» azaldu zuen 'Egin' egunkariari zuzenduz.

Erakunde juridikoak ere salatu zituen Beatriz Lasak, «ustez arlo judizialek zetozen gezurrak ikusita modu pasiboan jokatu zutenak». «Horrela hautatu zuten hiltzaileak noren kontra egin behar duen tiro» gaineratu zuen hildakoaren alargunak.

Santamaria kontrabandoarekin eta goardia zibilak 'erostearekin' lotzen zuen informazioa kaleratu zuen 'Egin' egunkariak, iturri judizialak aipatuz, joan den larunbatean. Aipatu egunkariak narkotrafikoarekin ere lotu zuela hildakoa esan zuten hurrengo egunean 'El Mundo' egunkariak eta 'Ser' irratiak, eta 'Egin-ek' azalpen agiri bat kaleratu zuen. Bertan gogoratzen duenez, 'Diario 16' eta 'Interviú' aldizkaria izan ziren, orain hilabete batzuk, Santamaria narkotrafikoari buruzko sumario judiziala



Santamariaren alargunak (erdian), bere seme-alabek lagunduta, agiri bat irakurri zuen prentsaurrian. EFE

letan zegoela kaleratu zutenak eta inoiz ez 'Egin-ek'.

Bestalde, 'Diario 16' egunkariak atzo zioenez, Jose Antonio Santamariak ETArekin hitz egin zuen bere kontrako atentaturik egin ez zezan eskatuz. Zentzu horretan, akordio bat lortu zuela dio aipatu egunkariak. Bere izena Luis Navajas fiskalak narkotrafikoari buruz egin zuen txostenean agertu zenean, Jose Maria Benegas PSOEko buruzagi eta laguna zuenarekin bildu zen Santamaria. Navajas txostena geldierazteko laguntza eskatu zion, 'Diario 16' egunkariak azaldu duenez, baina Benegasek ez zuela auzi honetan konprometitu nahi erantzun zion.

Navajas fiskalarengana jo zuen Santamariak, bere alargunak atzo baieztu zuenez. Narkotrafiko sare baten ikerketa daraman Fernando Andreu Donostiako epailearengana ere jo zuen droga trafikoarekin loturarik ez zuela zioen ziurtagiri bat eskatuz, baina orain artean ez zuen erantzunik jaso.

JENDE UGARI HILETAN

Jose Antonio Santamaria atzo goizean lurperatu zuten Donostiako Polloe hilerrian, eta arratsaldean egin zuten bere aldeko hileta elizkizuna Parte Zaharreko Santa Maria elizan. Jendez bete zen eliza; familia eta

lagunez gain, nabaria zen PSOEko buruzagien presentzia, bai eta Real Sociedad futbol taldeko jokalaria eta zuzendaritzako kideena ere.

Jose Maria Benegas PSOEko antolakuntza idazkaria, Jesus Egiguren Gipuzkoako sozialisten idazkari nagusia, Odon Eloza Donostiako alkatea, Jose Ramon Rekalde sailburua eta Roman Sudupe Gipuzkoako diputatua aipa daitezke Santamariaren hiletan izan ziren politikoen artean. Luis Uranga Realeko zuzendaria, Iñaki Alkiza eta Marco Antonio Boronat zuzendari eta entrenatzaile ohiak, eta Imanol kantaria ere bertan zeuden.

Benegas: «Santamariaren hilketaren erantzukizuna ez da ETArena bakarrik»

DONOSTIA

Jose Antonio Santamariaren «hilketaren erantzukizuna bakarrik», esan zuen atzo Donostian Jose Maria Benegas PSOEko eraketa arduradun eta hildakoaren lagunak hileta elizkizunak hasi baino lehenago. Komunikabideei, 'Egin-i' bereziki,

eta Justiziari leporatu zien Benegasek hilketaren erantzukizuna.

«Epaiketa paraleloa izan da, 'Eginek' eginga, eta Justiziak erraztua, honek egin dizkion akusazioak ez baititu frogatu hiru urtetan eta akusazio horiek ezabatzeke gai ez baita izan», adierazi zuen Benegasek Donostiako Santa Maria elizako atarian. «Santamaria banda kriminal baten ikusmiran jartzea lortu du Justiziak», gaineratu zuen.

EGI ERE EGIN-EN KONTRA

Euzko Gaztedik (EGI) 'Egin' egunkaria eta Pepe Rei kazetariaren kontra agiri bat kaleratu zuen atzo. «Ez da lehen aldia heriozko gertaeren aurretik Pepe Reik eta bere ikerketa taldeak

izenpetutako eta 'Egin' egunkariak argitaratutako idazlanak agertzea», adierazi zuen atzo EGI erakundeak.

'Egin' egunkariak berak gezurtatu egin zuen herenegun Santamaria narkotrafikoarekin inoiz lotu duenik eta aipamen bakarria tabakoaren kontrabandoari lotua zela zehaztu zuen. Aldi berean, 'Diario 16' eta 'Interviú' argitalpenen artikulua erakusten zuten atzoko edizioan.

Hala ere, EGik Santamariaren hilketaren eta 'Egin-en' artikulua lotu zituen atzo. «Kanpaina informatibo hauek maiztasun sumagarritzuma jartzen duten tokian ETak pistola, bomba edo bestelako biolentzia jartzen du», adierazi zuen EGik bere agirian.

Hiru gazte kartzelaratzeara agindu du Garzon epaileak

MADRIL

Baltasar Garzon Entzutegi Nazionalako epaileak Aitor Arruabarrena, Rafael Ugarte eta Xabier Zaldua gazteak espetxeratzeko agindua eman zuen atzo, Entzutegiko iturriek jakitera eman zutenenez. Hiru gazte hauek beren borondatez azaldu ziren 5 zenbakidun Instrukzio Epaitegi Zentralean, sabotai ekintzak ikertzeko Entzutegi Nazionalak irekitako sumarioan beren izenak azaldu ondoren.

Sumario honen barruan epaileak dagoeneko bederatzi gazte espetxeratu ditu. Joan den abenduan Iñaki Larrea, Asier Guriñi, Gorka Pike, Haritz Egida-zu, Iker Fernandez eta Jose Maria Zugasti atxilotu eta kartzelan sartu zituzten. Mikel Ganuzak eta Iker Loitik 500.000 pezetako (25.000 libera inguru) fidantza ordaindu behar izan zuten aske geratu ahal izateko eta Oscar Arenas eta Asier Alzelanek 200.000 pezeta.

'Elkarrizketa eta negoziatzia, bake bidea' lema HB manifestatuko da

BILBO

'Elkarrizketa eta negoziatzia, bake bidea' lema izango du otsailaren 6an Herri Batasunak egingo duen manifestaldiak. Manifestaldi hau Santi Brouard eta Josu Muguruzak ustez hil zutenen kontrako epaiketen giroan egingo da, «erakusteko berriro ere euskal gizartearen gehiengoak Euskal Herria eta Estatuaren arteko gatazkan elkarrizketaren aldeko apustua egiten duela».

Manifestaldia bost t'erdietan abiatuko da Baserriko Aita Donostia plazatik. Autonomia kalea, Zabalburuko plaza, Hurtado de Amezaga eta Buenos Aires kaleak zeharkatu ondoren Bilboko udal-txean amaituko da.

Idigoras eta Julen Aginakok baimen eskaria aurkeztu zuten atzo Gobernu Zibilean. Idazkian, bi burukideek jakinarazten dute manifestaldi barneko dinamika bermatzeko antolatzaileek zazpiehun pertsonako ordena zerbitzua prestatuko dutela.

U

EIBAR

UDAL EUSKALTEGIA

Matrikula irekita:

Otsailetik Ekainerarteko ikastaroetarako.

Tel.: 70 09 12 Casa del Pueblon, 4. pisuan.